

唐
音
統
籤

丁籤一百二十一姚合之七

唐音統籤卷

五百二十
十三

五言律詩六

送友人遊蜀

送君一壺酒相別野庭邊
馬上過秋色舟中到錦
川峽猿啼夜兩蜀鳥噪
晨煙莫便不回首風光促
幾年

送費驥

兄寒弟亦飢力學少閒時
何路免為客無門賣得
詩幾人携酒送獨我入山
遲少小同居止今朝始
別離

送崔之仁

一作劉德仁

欲出還成住前程甚謫遷
佯眼隨客醉愁坐似僧
禪舊國歸何處春山買
欠錢我時無一事長在故
入邊

送王澹

常省為官處門前數樹松
尋山屐費齒書石筆無
鋒果熟猿偷亂花繁鳥語
重今來為客去借取最
高峯

送宋慎言

童稚便知聞如今祇有君
百篇詩盡和一盞酒須

分驛路多連水州城半在雲離情同落葉向晚更
紛、

送王龜慶士

送客、為誰朱門慶士稀唯修曾子行不著老萊
衣古寺隨僧飯空林共鳥歸壺中駐年華燒得獻
庭闈

送孫山人

山翁來帝里不肯住多時一作山人言話塵土衣

蒙重曜黷僕隸饑一作肥林中愁不到城外老應遲

喧寂一為一作離別相逢未有期

送任尊師歸蜀覲親

白雲修道者歸去春風前玉簡通仙籍金丹駐母
年錦文江一色酒氣兩相連衆說君平死真師易
義全

送僧默然

出家侍母前至孝自通禪伏日江頭別秋風搖下
眠鳥聲猿更促石色樹相連此路多如此師行亦
有緣

送無可上人遊邊

一鉢與三衣經行遠近隨出家還養母持律復能

詩春雪離京厚晨鐘近塞遲亦知道府客夜坐喜
同師

送陸霞上人遊天台

萬疊赤城路終年遊客稀朝來送師去自覺有家
非石淨山光遠雲深海色微此詩成亦鄙爲我寫
巖扉

送元緒上人遊商山

萬法空門棄師修歷幾生過來心已悟未到竹彌
精溪寂鐘還度林昏鋤獨鳴朝簪抽未得此別豈
忘情

送僧栖真歸杭州天竺寺

吏事日紛然無日到佛前
勞師相借問知我亦通
禪古寺杉松出殘陽鐘磬連
草庵盤石上歸此是
回緣

送敬法師歸福州

結得隨緣伴蟬鳴方出關
新經譯舊寺故國與誰
還齊焉無鐘早心目罷講
閑東南數十里何處不
逢山

送清敬閣梨歸浙西

大地無生理吳中豈是歸
自翻貝葉偈入施福田

衣夏盡灘聲出潮來日色微
郡齊師去後寂寞夜吟稀

送僧遊遊

師向還頭去道人業障輕
腥羶齊自潔部落講還成
傳教多離寺隨緣不計程
三千世界內何處是無生

送澄江上人赴興元鄭尚書招

師經非紙上師佛在心中
覺路何曾異行人自不同
水雲晴亦忽一作雨山木一作舍
夜多風聞結西方

社尚書待遠公

病中辱朱諫議惠甘菊藥苗因以詩贈
蕭：一畝宮種菊十餘叢採摘和芳露封題寄病
翁熟宜茶鼎裏冷稱石甌中香潔將何比從來味
不同

謝汾州田大夫寄葺種葡萄

簞封紫葡萄筒卷白茸毛卧暖身應健含消

一作清

齒免勞衾衣疎不稱梨栗鄙難高曉起題詩報寒
漸滿筆毫

詠破屏風

一作章孝標詩

時人嫌古畫倚壁不曾收露滴膠山斷風吹絹海

秋殘雲飛屋裏片水落牀頭尚勝凡花鳥君能補
綴不

種葦

欲種數莖葦出門來往頻近陂收本土選地問幽
人靜看唯思長初移未覺勻坐中尋竹客將去更
逡巡

郡中冬夜聞蛩

秋蛩聲尚在切：起蒼苔久是忘情者今還有事
來微霜風稍靜圓月霧初開此思誰能遣應須執
酒杯

聞蟬寄賈島

未秋吟便苦半咽半隨風
禪客心應亂愁人耳願
聲雨晴高樹裏日晚古城
中遠思應難盡誰當與
我同

乞酒

聞君有美酒與我正相宜
溢瓮清如水粘盃半似
脂豈唯消舊病且要引
新詩況此便腹無非是
滿卮

乞酒

老人罷卮酒不醉已經年
自飲君家酒一盃三日

眠味輕花上露色似洞中泉莫厭時、寄須知法
未傳

敬宗皇帝挽詞三首

從諫停東幸垂衣寶曆昌漢昭登位少周代卜年
長絲伏三清路麻衣萬國喪玄宮今一閉終古栢
蒼、

晚色啓重扉旌旌路漸移荆山鼎成日湘浦竹斑
時臣子終身感山園七月期金堂看尚在承露復
何為

紫陌起仙蹤川原共寂寥靈輅萬國護儀殿百神

朝瀾滴秋風路銘吟瀾水橋微臣空感咽踊絕覺
天遥

文宗皇帝挽詞三首

垂拱開成化暗：雅樂全平官方就日四海忽無
天堯舜非傳子殷周但卜年聖功青史外刊石在
陵前

代以無為理車書萬國同繼兄還付弟授聖意推
公雲霧疑無日笳簫別起風金莖難復見寒露落
空中

龍蹄攀不得驛在侍臣邊徹奠新阡起登山吉從

金闕河佳氣散夷夏哭聲連寂寞玄宮閉朝昏千
萬年

莊恪太子挽詞二首

曉漏啓嚴城宮臣縞素行靈儀先鹵簿新謚在銘
旌雲晦郊原色風連霰雪聲淒涼望苑路春草即
應生

寒日青宮閉玄堂渭水濱華夷賤乍絕凶吉礼空
新殓露歌連哭泉扉夜作晨吹笙今一去千古在
逡巡

哭費拾遺徵君

服儒師道旨糲食卧中林誰識先生事無身是本
心空山流水遠故園白雲深日夕誰來哭唯應援
鳥吟

哭賈島二首

白日西邊沒滄波東去流名雖千古在身已一生
休豈料文章遠却知瑞草秋曾聞有書劔應是別
人收

杳々黃泉下嗟君何此行有名傳後世無子過今
生新墓松三尺空堦月二更從今舊詩卷人盡寫
應爭

哭硯山孫道士

修短皆由命暗懷師出塵豈知修道者難免不亡
身永秘黃庭訣高懸漉酒巾可憐白犬子開吠遠
行人



下籤一百二十一姚合之八

唐音統籤卷

五百二十四

五言排律

及第後夜中書事

夜睡常驚起春光屬野夫
新銜添一字舊友避前途
喜遇還疑夢狂來不似儒
愛花持燭看憶酒犯街沽
天上名應定人間盛更無
報恩丞相閣何啻殺微軀

西掖寓直春曉聞殘漏

直廬仙掖近春氣曙猶寒
隱隱銀河在丁丁玉漏殘
微風飄更切萬籟雜應難
鳳閣明初啓鷄人唱

漸開靜宜來禁裏清是下雲端我識朝天路從容
自整冠

省直書事

默、滄江老官分石掖榮立朝班近殿奏直上知
名曉霧和香氣晴樓下樂聲蜀牋金屑曠月兔筆
毫精禁樹非煙覆宮牆瑞草生露盤秋更出玉漏
晝還清碧蘚無塵染寒蟬似鳥鳴竹深雲自宿天
近日先明屏懦難封詔踈愚但擲觥素飡終日足
寧免衆人輕

和裴結端公早朝

魚鑰千門啓鷄人唱曉傳冕旒臨玉殿丞相入鑪
煙列位同居左分行恭在前路事中與侍御史班
同外在東給事中又
在臺官前仰聞天語近俯拜珮聲連綵伏祥光動
彤庭霽色鮮威儀誰可紀柱史有新篇

和門下李相餞西蜀相公

聖朝同舜日作相有夔龍理化知無外蒸黎盡可
封燮和皆達識出入並登庸武騎增餘勇儒冠貴
所從贈詩全六義出鎮越千峯連日陳天樂苦蓮
疊酒鍾烏臺情已洽鳳閣分彌濃元和十四年崔
相公與門下相
公連御史臺今又在中書矣棧轉旌搖水崖高馬踟松恩深施

遠俗化美見前蹤

太和初年門下相公出鎮至今西蜀理化清淨民俗歌頌不能

江曉浮巴字山晴聳敝鋒雙油擁上宰四海義臨

叩先路聲華遠離京詔旨重歲除今向盡春色即

相逢嫩葉抽頽蘂新苔長翠茸水銷魚漸暖林暖

鳥囀々泉落聞難盡花開看不供青城方眷戀黃

閣竟從容計日歸台席還聽長樂鐘

和鄭相演楊尚書蜀中唱和詩

天福坤維厚忠賢擁節旄江同渭濱遠山似傅巖

高元氣符才格文星照筆毫五言全麗則六義出

風騷聖日麻雙下洪爐柄共操寵榮連雨露先後

比蕭曹唱絕時難和吟多客詎勞四方雖紙貴誰
怕費錢刀

和太僕田卿酬殷亮落侍御見寄

往還知分熟酬贈思同新嗜飲殷偏逸酬迎卿亦
貧古苔寒更翠修竹靜無鄰促席燈浮酒聽鴻霜
滿身淺才唯是我高論更何人攜手宜相訪窮行
少路塵

和座主相公西亭秋日即事

西亭秋望好寧要更垂簾天子牆還峻鄧侯宅過
謙微風紅葉下新雨綠苔黏窓外松初長欄中藥

旋添海圖裝玉軸書目記牙籤竹色暗連地山光
遠入簷酒濃盃稍重詩吟語多尖屬和才雖淺題
高免客嫌

和座主相公雨中作

清氣潤華屋東風吹雨勻花低驚艷重竹淨覓聲
真山際凝如霧雲中散似塵蕭々下碧落點々救
生民緩洒雷霆細微沾瓦礫新詩成難繼和造化
筆通神

奉和門下相公雨中寄裴給事

文苑補

曉起開窗雨垂簷自滴階風清想林壑雲濕似江

淮石信浮漚重泥從積蘚埋氣消濃酒力心助獨
吟懷颺々通琴韻蕭々靜竹齊絲毫無限思念與
夕郎垂

和裴令公新成綠野堂即事

結構立嘉名軒窓四面明丘牆高莫比蕭宅僻還
清池際龜潛戲庭前藥旋生樹深簷稍邃石峭逕
難平道曠襟情遠神閑視聽精古今功獨出大小
隱俱成曙雨新苔色秋風長桂聲携詩就竹寫取
酒對花傾古寺招僧飯方塘看鶴竹人間無此貴
半伏幕歸城

和裴令公遊南莊憶白二十弟七二賓客

四郊初雨歇高樹滴猶殘池滿紅蓮濕雲收綠野
寬花開半山曉竹動數村寒聞雀翻衣袂驚魚觸
釣竿罇前多野客膝下盡郎官斲石通泉脉移松
出藥欄東分務重天下比功難半醉思常白題
詩染彩翰

酬任晦協律夏中苦雨見寄

銀漢波瀾溢經旬雨未休細聽宜隔牖遠望憶高
樓風急飄還斷雲低落更稠走童驚掣電飢鳥啄
浮漚絲網張空際珠繩續尾溝青蛙多入戶潢潦

欲勝舟雷怒疑山破池渾似土流灰人漫襌厭水
馬恣沉浮廣陌應翻浪貧居恐作湫陽精歲不糴
陰氣盛難收遠色重林暮繁聲四壁秋望情思見
日防冷欲披裘枕膩一作眠還懶車羸出轉憂散
空煙漠、迸溜竹修、樹暗蟬吟咽巢傾燕語愁
琴書涼簟淨燈燭夜窓幽天上那能問龍邊本不
求濕煙凝竈額荒草覆牆頭酒思凄方罷詩情耿
始抽下林先伏履汲井起飄飄危坐徒相憶佳期
未有由勞君寄新什終日不能酬文苑中無數空
二句亦有教聯
顛倒今從
集本為正

和舍人秋日卧疾言懷

閑卧襟情遠西風菊漸芳
虛窓通曉景珠簾卷秋
光果墜青莎徑塵離綠
鮮墻藥奩開靜室書閣出
叢萱對酒吟難盡思山
夢稍長王言生彩筆朝服
惹鑪香松影幽連砌蟲聲
冷到牀詩成誰敢和清
思若懷霜

酬光祿田卿六韻見寄

以病辭朝謁迂疎種藥翁
心彌一作唯念魚鳥詔遣
理兵戎遠戶旌旗影吹人
鼓角風雪晴嵩岳頽樹
老陝城宮蒞職才微薄
歸山路未通名卿詩句峭

請我在關東

喜胡過至

窮居稀出入門戶滿塵埃
病少閑人問貧唯密友
來茅齋從掃破藥酒遣生開
多事經時別還愁不
宿迴就林燒嫩筍
遠樹棟香梅相對題新什
遲成舉野盃

過張雲舉院宿

不喫胡麻飯杯中自得仙
隔籬招好客掃室致芳
筵家醞香膠嫩時新異果
鮮夜深唯畏曉坐穩豈
思眠
燕罷嬾無敵詩成貴在前
明朝題壁上誰得

衆人傳

裴考功鴈察院同遊吳天玄都觀

性同相見易紫府於閑行陰選紅桃落秋壇白石
生蘇文連竹色鶴語應松聲風定藥香細樹添泉
氣清垂簷靈草影遶壁古山名園外坊無禁歸時
踏月明

杭州觀潮

樓有障亭號濤來自古今勢連滄海闊色比白雲
深怒雪驅寒氣狂雷散大音浪高風更起波急石
難沉鳥懼多遙過龍驚不敢吟均如闢玉穴危似

走瓊岑但褫千人魄那知伍相心岸推連古道洲
漲踏叢林跳沫山皆濕當江日半陰天然與禹鑿
此理遣誰尋

題鳳翔西郭新亭

西郭塵埃外新亭制度奇地形常要處人力是開
時結構方殊絕高低更合宜棟梁清俸買松竹遠
山移佛一作僧寺幽難敵仙家景一作境可追一作遠良

工慙巧盡上客恨逢過兩面寒一作清波漲當前軟

一作娥柳垂清虛亘月入涼冷勝風吹宴賞重容靜

登臨樂妓隨魚龍聽絃管鳬鵝識旌旗泛蠟春流

潤飛錫白日歇
閑花一作雲長在戶
嫩蘚乍緣墀
永望情無極
頻來困不辭
雲峰晴轉出一作翠
烟樹晚逾滋
向野唯貪靜
臨空遽覺危
行人如不到
遊樂更何為一作遊樂信虛為

題河上亭

亭上河上亭
魚鄉水禽鳴
九曲何時盡
千峯今日清
晨光秋更遠
暑氣夏常輕
盃裏移檣影
琴中有浪聲
岸莎連砌靜
漁火入窻明
來此多沉醉
神高無宿醒

題山寺

千重山崦裏樓閣影參差未暇尋僧院先看置寺
碑竹溪行漸暗石穩坐多時古塔鼎蛇喜陰廊鳥
雀癡雲開上界近泉落下方遲為愛青桐葉因題
滿樹詩

題宣義池亭

春入池亭好風光暖更鮮
弄芳行不困逐勝坐還
遷細草亂如髮幽禽語鳴一作似絃
苔文翻古篆石
色學秋天花
落能漂酒萍開
避船暫來還若作
猶疾久住合成仙
迸笋撐堦起垂藤
壓樹偏此生
應借看自料一作計買無錢

題鄭

一作

駙馬林亭

東園連宅起勝事與心期
幽洞自生藥新塋迸入
池密林行不盡芳草坐難移
石翠疑無質鶯歌似
有詞
莎臺高出樹
薛壁淨題詩
我獨多來賞
九衢
人不知

題長安薛員外水閣

亭亭新閣成風景益鮮明
石盡太湖色水多湘渚
聲翠筠和粉長零露
逐荷傾時倚高窓望幽尋小
徑行林疎看鳥語
化近識魚情
政暇招閑客
唯將
酒送迎

寄題尉遲少卿郊居

卿寺在關東林居思不窮
朝衣掛壁上廐馬放田中
偶坐唯禪子隨行只藥童
砌莎留宿露庭竹出清風
濃翠生苔點辛香發桂叢
蓮池伊水入石徑遠山通
愚者心還靜高人跡自同
無能相近住終日羨隣翁

寄華州李中丞

毛女峯前郡烟霞氣轉清
庭分靈掌影窻度瀑泉聲
薜廼人稀到松齋藥自生
常食亦芝朮閑客是公卿
看水逢仙鶴登樓見帝城
養生非酒病難隱

是詩名省署常聯步江皋欲獨耕偶題無六義聊
以達微誠

寄絳州李使君

文苑補

獨施清淨化千里管橫汾黎庶應深感朝廷亦細
聞心期在黃老家事足功勳物外須仙侶人間要
使君花多句地落山近滿廳雲戍客無同去西看
白日曛

寄揚工部聞毗陵舍弟自蜀溪入茶山

採茶溪路好花影半浮沉画舸僧同上春山客共
尋芳新生石際幽嫩在山陰色是春光染香鷺日

氣侵試嘗應酒醒封進定恩深芳眸千里外怡怡
太府吟

寄送盧拱秘書遊魏州

中和

太行山下路荊棘昨來平一自開元後今逢上客
行地形吞北虜人事接東京掃灑氛埃靜遊從氣
味生薊門春不艷洪水暖還清看野風情遠尋
緣花酒病成官閑身自在詩逸語縱橫一作詩好
車馬迴應晚烟光滿去程

金州書事寄山中舊友

安康雖好郡刺史是慙翁買酒終朝飲吟詩一室

唐音統籤

卷五百二十四

計

丁

空自知為政拙，衆亦覺心公。親事星河在，憂人骨肉同。
簿書嵐色裏，鼓角水聲中。井邑神州接，旣櫺海路通。
野亭晴帶霧，竹寺夏多風。溉稻長川白，燒林遠岫紅。
舊山期已失，一作度芳草思何窮。林下無相笑，男兒五馬雄。

寄九華賈拾遺

逍遙曾繳外，高鳥與潛魚。關下無朝藉，林間有詔書。
夜眠幽洞石，一作青曉飯白雲蔬。四海人空老，九華君獨居。
此心誰復識，日與世情疎。

寄李群玉

九衢名與利無計擾閑人道遠期輕世才高貴重
身石脂稀勝乳玉粉細於一作如塵骨換飢膚臍心
靈一作虛氣色真嵩山高到日洛水暖如春居住應
安隱一作穩黃金幾電新

寄王度居士

顓顓王居士顓狂不禱時天公與貧病時輩復輕
欺茅屋隨年借一作賃盤飧逐日移棄嫌官似夢珎
重酒如師無竹栽蘆者思山疊石為靜窩留客話
古寺覓僧碁瘦馬寒來死羸童餓得癡唯應尋阮
籍心事遠相知

病中書事寄友

終日自纏繞此身無適緣萬愁生兩夜百病湊衰
年多睡憎明屋幃行待暖天瘡頭梳有虱風耳亂
無蛭換白方多錯迴金法不全家貧何所怨時在
老僧邊

贈盧大夫將軍

將軍身在城詎得虜塵清釀酒邊聞客吟詩直禁
營蒼鷹春不下戰馬夜空鳴碣石應無業皇州獨
有名上山嫌體重拔劍嘆衣生公議今如此登壇
到即行

贈張籍太祝

妙絕江南曲，淒涼慙女詩。
古風無手敵，新語是人知。
飛動應終一作由格，功夫過却奇。
麟臺一作儒書添集，卷樂府。
換歌詞，李白應先拜。一作劉禎即必自疑。
貧須君子救，病合國家醫。
野客開山借，隣僧與米炊。
甘貧辭聘幣，依選受官資。
多見愁連曉，稀聞債盡時。
聖朝文物盛，太祝獨低眉。

贈終南山僧山人

七十未成事，終南蒼髯翁。
老來詩興苦，貧去酒腸空。
蠖蟄身仍病，鵬搏力未通。
已無燒藥本，唯有著

書功白馬時何晚老君度閼事也青龍歲欲終星紀經生
涯枯葉下家口亂雲中潭靜魚驚水天晴鶴唳風
悲君還姓傳獨不夢高宗

送狄尚書鎮太原

授鉞儒生貴傾朝赴戡建麾幢官在省禮樂將臨
遷代馬龍相雜汾河海暗連遠戎移帳幕高鳥避
旌旗天下屯兵處皇威破虜年防秋嫌壘近入塞
必身先中外恩重疊科名歲接連散材無所用老
向瑣闥眠

送楊尚書祭西嶽

報功嚴祀典寵詔下明庭
酒氣飄林嶺香烟入杳冥
樂清三奏備詞直百神聽
衣拂雲霞濕詩通水石靈
何日逐騶騎暫得到嚴扃

送裴大夫赴亳州

杭人遮道路垂泣浙江前
舉國迎丹艦行歌汴水邊
周旋君量遠交代我才偏
寒日嚴旌戟晴風出管絃
一盃誠淡薄四座願留連
異政承殊澤應為天下先

送家兄赴任昭義

早得白眉名之官濠上城
別雖浮世事迢遞長年

情廣陌垂花影遙林起雨聲出關春草長過汴夏
雲生黠吏先潛去疲人相次迎宴餘和酒拜魂夢
共東行

送崔玄亮赴果州冬夜宴韞卿宅

蘭燭照重茵飛盃復幾分主人寒不寢上客曉離
群騎吏緣青壁旌旗度白雲劍銘生薤色巴字疊
氷文華省思仙侶疲民愛使君泠泠唯自適邵郎
有誰聞

送陸暢侍御歸揚州

故園偏接近雲水洞庭邊歸去知何日相逢各長

年山川南北路風雪別離天
楚色窮冬燒淮聲獨夜船
從軍丞相府談笑酒盃前

送韓湘赴湖西從事

年少登科客從軍詔命新
行裝有兵器祖席盡詩人
細雨湘城暮微風楚水春
得陽應足雁夢澤豈無塵
猿叫來山頂潮痕在樹身
從容多暇日佳句寄須頻

送杜立歸蜀

迢遞三千里西南是去程
杜陵家已盡蜀國客重行
雪照巴江色風吹棹閣聲
馬嘶山稍暖人語店

初明旅夢心多感孤吟氣一作意不平誰為李白後
為訪錦官城

送秋魚暮下第歸故山

慈恩塔上名昨日敗垂成債舍應無直居山豈釣
聲半耳猶小隱數日得閑行映竹窺猿窟尋雲採
鷓鴣情愛花高酒戶煮藥污茶鐺莫便多時住烟霄
路在城

月華臨靜夜

長空埃壒滅皎皎月華臨色正秋將半光鮮夜自
深九霄晴更徹四野氣難侵靜照遙山出孤明列

宿沉高人應不寐
驚鵲復何心
漏盡東方曉佳期
何處尋

心懷霜

欲識為詩苦
秋霜若在心神清
方耿耿氣肅覺沉
沉皓素中方
委嚴凝得更深
依稀輕夕滴
髣髴在寒林
思勁淒孤韻
聲酸激冷吟
還如飲冰士
勵節望知音

和兵部鄭侍郎省中四松詩

松是中書相公任兵部侍郎日

手栽數年後鄭幹繼之因為詩賦相公合與唐扶劉昌錫等同和

四松相對植蒼翠
耿中臺擢幹凌空去
移根斲石

開陰陽氣潛照造化手親裁日月滋佳色炯霄長
異材清音勝在澗寒影偏生苔靜逸霜霑履閑看
酒滿杯同榮朱戶際永日白雲隈密葉間風度高
枝見鶴來賞心難可盡麗什妙難裁此地無回到
循端幾百回

和王郎中召看牡丹

葩疊萼相重燒欄復照空妍姿朝景裏醉艷晚烟
中乍恠霞臨砌還疑燭出籠逸行驚地赤移坐覺
衣紅殷麗開繁朵香濃發幾叢裁綉樣豈似染茜
色寧同嫩畏人看損鮮愁日炙融蟬娟恠宿露耀

慢抵春風縱賞襟情合閒吟景思通客來歸盡懶
驚愁語無窮萬物珍那比千金買不克如今難更
有從有在仙宮

和李補闕曲江看蓮花

露荷迎曙發灼灼復田田乍見神應賅頻來眼尚
顛光凝珠有蒂焰起火無烟粉膩黃綠葉心重碧
玉錢日浮秋轉麗雨洒曉彌鮮醉艷酣千朵紅
思一川綠莖扶萼正翠蒨滿房圓淡暈還殊衆繁
英得自然高名猶不厭上客去爭先景逸傾芳酒
懷濃習綵牋海霞寧有態蜀錦不成妍客至應清

病僧來款破禪曉多臨水立夜只傍堤眠金似明
沙渚燈疑宿浦船風驚叢乍密魚戲影微偏穠彩
燒晴霧殷姿頽碧泉畫工投粉筆宮女弄花鈿鳥
戀驚難起路偷困不前遶行香爛熳折贈意纏綿
誰計江南曲風流合管絃

丁籤一百二十一姚合九

唐音統籤卷一百二十五

七言律詩

偶然書懷

十年通籍入金門
自媿名微枉播紳
疎得丹砂鍊
不食從茲白髮日
一作相親家山迢遞歸無路
五
酒稀疎病到
一作身漢有馮唐唐有我
老為郎吏
更何人

偶題

年九所看春還舊
隱空勞夢寐間
遲日逍遙玄
草長聖朝清淨諫臣書
一作閑偶逢遊客同傾酒
自

有前驕恥見山道侶書來相責誚朝，欲報你

又河顏

迎春

半年皆醉待花開晚去迎春夜始迴風暖慢行尋
曲水天晴遠望立高臺亦知無處將詩講唯得終
朝把酒催今日柳條金弄色遊人相伴看春來

賞春

閑人祇是愛春光迎得春來喜^款狂買酒怕逢令走
馬看花嫌遠自移床嬌鶯語足方離樹戲蝶飛高
始過牆顛倒醉眠三數日人間百事不思量

別春

留春不得被春欺。春若無情遣泥誰寂寞。自疑生
冷病淒涼。還似別親知。隨風未辨歸何處。澆酒唯
求住。少時一去。近當三百日。從朝至夜。是相思。

將歸山

野人慣去山中住。自到城來悶不勝。宮樹蟬聲多
却樂。後門月色少於燈。飢來唯擬重餐藥。歸去還
應只別僧。聞道舊溪茆屋畔。春風新上數枝藤。

罷武功縣將入城二首

乍拋衫笏覺身輕。依舊還稱學道名。欲泥山僧分

求一作屋住蓋從野老惜牛耕妻兒盡怕為逋客親
故相邀道到城無奈同官珍重意幾迴臨路却休
行

青衫脫下便狂歌種薤一作栽莎一作斲一作古坡野
客相逢添酒病春山暫上著詩魔亦知官罷貧還
甚且喜閑來性得多欲與九衢親故別明朝拄杖
始輕過

親仁里居

三年賃舍親仁里寂寞何曾似在城飲酒自緣防
冷病氣一作尋人多是為閑行軒車無路通一作門

到地濤頭風起白連雲詩成客見書牆和藥熟僧
來就鼎分珍重來章相借問芳名未識已曾聞

酬盧汀諫議

粟如流水帛如山衣食還君

一作念會邊語笑問篇什

縱橫文案少親朋撫亂吏人開杯觴引滿從衣濕
牆壁書多任子頑遙賀來年二三月綵衣先輩過

春閑

此詩共重
三衣字

贈王尊師

先生自說瀛洲路多在青松白石間海岸夜中常
見日仙宮溪處却無山犬隨鶴去遊諸洞龍作人

來問大還今日偶聞塵外事朝簪未擲復何顏

寄東都令狐留守相公

除官

書一作

東守洛陽宮恩比藩方任更雄拜表出

時傳七刻排班衙日有三公旌旗嚴重

一作動

臨関

外庭宇

一作寺

清溪接禁中三十六峯詩酒思朝

閑望與誰同

和高諫議蒙萊賓客時入翰苑

無秩恩歸第一流時尋仙路向瀛洲鍾聲迢遞銀
河曉林色蔥籠玉露秋紫殿講筵隣御座青宮賓
榻入龍樓從來共結歸山侶今日多應獨自休

和盧給事酬裴員外

南山雪色徹皇州
鐘鼓聲交曉氣浮
駕鷲簪裾上
龍尾蓬萊宮殿壓鰲頭
夕郎夜直吟仙掖
天樂和聲下禁樓
贈荅詩成才思敵
病夫欲和幾朝愁

和秘書崔少監春日遊靑龍寺僧院

官清書府足閑時
曉起攀花折柳枝
九陌城中尋不盡
十峯寺裏看相宜
高人酒味多和藥
自古風光只屬詩
見說從來多靜者
未知前日更逢誰

和李紳助教不赴看花

笑辭聘禮深坊住
門館長閑似退居
太學官資清

品秩高人公事說經書年華未是登朝晚春色何
因向酒疎且看牡丹吟麗句不知此外復何如

奉和前司封蘇郎中喜嚴常侍蕭給事見訪

驚班鬢之什

文苑補

遠鬢滄浪有幾莖珥貂相問夕郎驚祇應為酒微
微變不是因年漸生東觀書成號良史中臺官
罷揖高名即提綆筆裁天詔誰得吟詩自在行

和劉禹錫主客冬初拜表懷上都故人

九陌喧喧騎吏催百官拜表禁城開林疎晚日明
紅葉塵靜寒霜覆綠苔玉佩聲微班始定金函光

動按初來此時共想朝天客謝食方從閣裏迴

和令狐六員外直夜即事寄上相公

霜臺同處軒窓接粉署先登語笑踈皓月滿簾聽
玉漏紫泥盈發天書吟詩清美一作招閑客對酒
逍遙卧直廬榮貴人間難有比相公離此十年餘

冬夜書事寄兩省閣老

天寒漸覺鴈聲踈新月微玉漏初海曙只宜今
日去故鄉已過十年餘髮稀豈易勝玄冕眼暗應
難寫諫書閣下群公盡高思誰能攜酒訪貧居

寄汴州令狐楚相公

汴水從今不復渾
秋風鼙鼓動城根
梁園臺館閑東少
相府旌旗天下尊
詩好四方誰敢和
政成三郡自無冤
幾時詔下歸丹闕
還領千官入闕門

寄周十七起居

鼙鼓聲齊百辟朝
天馬亂嘶月照濃
霜寒更遠風吹紅
燭舉還低官清立
在金鑪北伏下歸
眠玉殿西莫笑老
人多獨出晴山荒
景覓詩題

寄主客劉郎中

漢朝共許賈生賢
遷謫還應是宿緣
仰德多時方會面
拜兄何暇更論年
嵩山晴色來城裏
洛水寒

光出岸邊清景早朝吟麗思題詩應費益州錢

寄東都白賓客居易

闕下高眠過十旬南宮印後乞離身詩中得意應
千首海內官只一人賓客分司真是隱山泉遶
宅豈辭貧竹齊晚起多無事唯到龍門寺裏頻

寄陝州王司馬

家寄秦城非本心偶然頭上有朝簪自當臺直無
因醉一別詩宗更懶吟世事每將愁見擾年光唯
與老相侵欲知居處堪長以須向山中學煮金

寄崔之仁山人

不得之仁消息久秋來體色淺河如苦將五酒判
身病狂作文章信手書官職卑微從客笑性靈閑
野向錢踈幾時家計渾無事揀取溪山一處居
成名後得別從兄

一辭山舍廢躬耕無事悠々性帝城為客衣裳多
不穩和人詩句固難精幾年秋賦唯知病昨日春
闈偶有名却出閑東悲復喜歸尋弟妹別仁兄

送劉禹錫郎中赴蘇二首

三十年来天下名術恩東守闔閭城初程咸谷眠
山驛漸入梁園問水程霽日滿江寒浪靜春風遶

郭白蘋生虎丘野寺吳中少誰伴吟詩月裏行
州城全是故吳宮香徑難尋古蘚中雲水計程千
里遠軒車送別九衢空鶴聲高下聽無盡潮色朝
昏望不同太守吟詩人自理小齋閑卧白蘋風

送饒州張使君

文苑補

鄱陽勝事聞難比千里連江是稻畦山寺去時通
水路都圖開處是詩題此行應免農人困庭靜惟
多野鶴栖飲罷春明門外別蕭條驛路夕陽低

送林使君赴郡州

詔書飛下五雲間才子分行不等閑驛路笑程多

是水州園管地少於山江頭斑竹尋應遍洞裏丹砂自採還清淨化人人自理終朝無事更相閑

送崔郎中赴常州

貴是鶴原在紫微榮逢知己領黃扉人間盛事今全得江上政聲復欲歸風起滿城山果落雨餘穿宅水禽飛昔年嘗作毗陵客石峭泉清天下稀

送獨孤煥評事赴豐州

東門携酒送廷評結束從軍塞上行溪磧路移唯馬覺斷蓬風起與鵬平煙生遠戍侵雲色水疊黃河長雲聲湏鑿燕然山上石登科記裏是開名

送陳侔赴江陵從事

荊州勝事衆皆聞
幕下今朝又得君
才子何須藉
科第男兒終久要
功勲江村竹樹多
於草山路塵埃半
是雲新什定知饒
景思不應一徇賦
從軍

宴崔駙馬宅送河中楊少府

鳳凰樓下醉醺醺
晚出東門蟬漸聞
不使鄉人修一作驛路
却將家累宿一作山雲
閑時採藥隨僧
去每月請錢共客
分縣吏若非三載
滿自知無計更尋
君

送源中丞赴新羅

赤墀賜對使殊方官重霜臺紫綬光玉節在船清
海怪金函開詔拜夷王雲晴漸覺山川異風便那
知道路長誰得似君將西露海東萬里灑扶桑

送盛秀才赴舉

重，吳越浙江潮刺史何門始得消五字州人唯
有此四隣風景合相饒橘村籬落香潛度竹寺虛
空翠自飄君去九衢須說我病成踈懶，趨朝

送崔約下第歸楊州

滿座詩人吟送酒離城此會亦應稀春風下第時
稱屈秋卷呈親自東歸日晚山花當馬落天陰水

鳥傍船飛江邊道路多苔蘚塵土無由得上衣

別友人山居

偶向山中覓紫芝山人勾引住多時摘花浸酒春
愁盡燒竹煎茶夜卧遲泉落林梢多碎滴松生石
底足傍枝明朝却欲歸城市問我來期總不知
欲別

山川重疊遠茫茫欲別先憂別恨長紅芍藥花雖
共醉影又分將鴛鴦有路高台去鴻鴈南
飛一西行惆悵與君煙景迥不知何日到瀟湘

惜別

酒闌歌罷更遲留。攜手思量，憑翠樓。桃李華容猶
難月。風流才器，亦悲秋。光陰不覺，朝昏過，岐路無
窮。早晚休，似把剪刀，裁別恨，兩人分得一般愁。

送無可上人遊越

清晨相訪立門前。麻履方袍一少年。嬾讀經文求
作佛。願攻詩句覓昇仙。芳春山影花連寺，獨夜潮
聲月滿船。今日送行，偏惜別，共師文字有因緣。

送文著上人遊越

水石隨緣豈計程。東吳相過別西京。夜禪月下袈
裟濕，曉上山巔錫杖鳴。念我為官應易老，羨師依

佛學無生越中多有前朝寺處鐵鍾石磬聲

送僧實歸杭州天竺

石橋寺裏最清涼聞說茆庵寄上方林外猿聲連
院曉一作磬月中潮色到禪牀他生念我身何在此
世唯師性亦忘九陌相逢千里別青山重疊樹蒼
蒼

聞魏州賊破

生靈蘇息到元和上將功成自執戈煙霧掃開尊
北岳蛟龍斬斷淨西河旗迴海眼軍容壯兵合天
心綏氣多從此四方無一事朝朝雨露是恩波一南

黃作

詠貴遊

貴遊多愛向深春到處香凝數里塵紅杏花開連
錦障綠楊陰合拂朱輪鳳凰尊畔飛金盞絲竹聲
中醉玉人日暮垂鞭共歸去西園賓客附龍鱗

楊給事師皋哭亡姬英英竊聞詩人多賦因
而繼和

真珠爲土玉爲塵未識遙聞鼻亦辛天上還應收
至寶世間難得是佳人朱絲自斷虛銀燭紅粉潛
銷冷繡茵見說忘情唯有酒夕陽對酒更傷神

臘日獵

健夫結束執旌旗
曉渡長江自合圍
野外狐狸搜得盡
天邊鴻鴈射來稀
蒼鷹落日饑唯急
白馬平川走似飛
惜節敗遊非為已
莫驚刺史夜深歸

詠雪

靄，紛，不可窮
憂坐歌處盡
隨龍東依銀漢一
千里
歸傍巫山十二峯
呈瑞每開開
麗色遊風仍
見挂
喬松憐君翠染雙
幘鬢
鏡裏朝，近玉容

詠雪

愁雲殘臘下陽臺
況却乾坤六出開
與月交光呈

瑞色共花爭艷傍寒梅飛隨郢客歌聲遠散逐宮娥舞袖迴其那知音不相見剡溪乘興為君來

惡神行雲

面神扇斂惡神行汹涌挨排白露生風擊水四波撲西雨滌山口地嵌坑龍噴黑氣翻騰滾鬼掣紅光劃

天竺寺殿前立石

方回云押險韻而如以剡別之二殆亦戲筆第一句

最好

補天殘片女媧拋撲落禪門壓地切霹靂劃溪龍舊攪屈桀痕淺虎新抓苔粘月眼風挑剔塵結雲

頭兩磕獻秋至莫言長屹立春來自有薜蘿交

詠鏡

鑄為明鏡絕塵埃翡翠窓前掛玉臺
繡帶共尋龍口出菱花第何匣中開
孤光長見鸞蹤在分霞還因鵲影迴
好是照身宜謝女嫦娥飛向月宮來

詠南池嘉蓮

芙蓉池裏葉田田一本雙花出碧泉
濃淡共妍香各散東西分艷蒂相連
自知政術無他異縱是禎祥亦偶然
四野人聞皆盡喜爭來入郭看嘉蓮

詠鷺

春來深谷雪方消
鶯到寒林傍翠條
到處為憐煙景好
隔簾多愛語聲嬌
不同蜀魄啼殘月
唯逐天鷄轉詰朝
少婦聽時思舊曲
玉樓從此動雲韶

七言排律

和李十二舍人裴四二舍人兩閣老酬白少

傳見寄

罷草王言星歲久
嵩高山色日相親
蕭條雨夜吟連曉
撩亂花時看盡春
此世逍遙應獨得
古來閑散有誰隣
林中長老呼居士
天下書生仰達人
酒挈數瓶盈亦濶
詩成千首語皆新
綸闈並命誠宜

詩

訪僧法通不過

訪師師不過禮佛佛無言依舊將煩惱黃昏入宅門

別杭州

醉與江濤別江濤惜我遊他年嫁了終到此江頭

送薛二十三郎中赴婺州

我住浙江西君去浙江東日來心來往不畏浙江風

送盧拱遊魏補萬首

官閑身自在詩險語分明
車馬應回晚煙花滿去
塵

佛舍見胡子有嘲

明、復夜、胡子即成翁
唯是真如性不來生滅
中

古碑

荒田一片石文字滿青苔
不是逢閑客何人肯讀
來

詠新菊

黃金色未足摘取且嘗新一作新嘗若待重陽日何曾

異衆人

一作

老馬

卧來扶不起唯向主人嘶惆悵東郊道秋來雨作泥

題鶴雛

羽毛生未足

一作齊

嶠峭醜

於鷄夜

一作

夜穿籠出

擣衣礧上樓

七言絕句

楊柳枝詞五首

黃金絲掛粉牆頭動似顛狂靜似愁遊客見時心
自醉無因得見謝家樓
葉、如眉翠色濃黃鶯偏戀語從容橋邊陌上無
人識雨濕煙和思萬重
江上東西離別饒舊條折盡折新條亦知春色人
將去猶勝狂風取次飄
二月楊花觸處飛悠悠、漠、自東西謝家詠雪徒
相比吹落庭前便作泥
江亭楊柳折還垂月照深黃幾樹絲見說隋隄枯
已盡年、行客恨春遲

窮邊詞二首

將軍作鎮古沂洲水賦山春節氣柔清夜滿城絲

管散行人不信是邊頭

謝疊山云此詩頗邊城賢守有風人法度

箭利弓調四鎮兵蕃人不敢近東行沿邊千里渾
無事唯見平安火入城

曉望華清宮

曉看樓殿更鮮明遙隔朱欄見鹿行武帝自知身
不死教修玉殿號長生

杏園

江頭數頃杏花開車馬爭先盡比來欲待無人連

夜看黃昏樹、滿塵埃

適友人山莊

蔥帶纏腰後野蔬一莊水竹數亭書舉頭忽見南山雪便說休官相近居

遊天長寺上方

曉上上方高處立路人羨我此時身白雲向我頭上過我更羨他雲路人

晦日宴劉恒錄事宅

花落鶯飛深院靜滿堂賓客盡詩人城中盃酒家
家有唯是君家酒送春

裴大夫見過

湖南譙國盡英髦心事相期節義高
解下佩刀無所惜新聞天子付三刀

夜期賈島不至

忍寒停酒待君來酒作寒氷火作灰
半夜出門重立望月明先自下高臺

聽僧雲端講經

無生深旨誠難解唯是師言得正真
遠近持齋來諦聽酒坊魚市盡無人

杏園宴上謝座主

得陪桃李值芳叢別感生成太異功今日無言春
雨後似含冷涕謝東風

牧杭州謝李太尉德裕

皇恩特許拜杭壇欲謝旌旄去就難偷擬白頭瞻
畫戟四神俱散髮毛寒

謝韜光上人

上方清淨無因住唯願他生得住持只恐無生後
無我不知何處更逢師

酬令狐郎中見寄

昨是兒童今是翁人間日月急一作疾如風常聞欲

向滄江去除我無人與子同

和前吏部韓侍郎夜泛南溪

辭得官來疾漸平
世間難有此高情
新秋月滿南溪裏
引客乘船處處行

和李十二舍人直日放朝對雪

今朝街鼓何人聽
朝客閑門對雪眠
豈比直廬丹禁裏
九重天近色彌鮮

和王郎中題華州李中丞廳

劉一作中和

蓮華峯下郡齋前
遠砌穿池貯瀑泉
君到亦應閑不得
主人草聖復詩仙

贈立即中

純離裁杏種黃精曉侍鑪煙暮出城萬事將身求
總易學君難得是長生

太尉李德裕自城外拜辭後歸弊居瞻望音
徽即書一絕寄上

千騎紅旗不可攀水頭獨立暮方還家人恠我渾
如病樽酒休傾筆硯閑

寄裴起居

千官曉立鑪煙裏立近丹墀是起居彩筆專書皇
帝語書成幾卷太平書

寄酬盧侍御

詩新得意恣狂疎揮手終朝力有餘
今到詩家渾手戰欲題名字倩人書

寄王玄伯

夜歸曉出滿衣塵轉覺才名帶累身
莫覓舊來作時終日醉世間盃酒屬閑人

寄李千

尋常自恠詩無味雖被人吟不喜聞
見說與君同一格數篇到火却休焚

寄靈一律師

梵書鈔律千餘紙淨院焚香獨受持童子病來煙
火絕清泉漱口過齋時

別胡逸

記得春闈同席試逡巡何啻十年餘今日相逢之
相送予乘五馬子單車

送張齊物主簿

幾年山下事仙翁名在長生錄籍中燒得藥成須
寄我曾為主簿與君同

送賈島鐘澤

日，攻詩亦自彊年，供應在名場春風驛路歸